

山東府縣志輯

中國地方志集成

道光再續掖縣志
光緒三續掖縣志
民國四續掖縣志

中國地方志集成


山東府縣志輯 ④6

道光再續掖縣志

光緒三續掖縣志

民國四續掖縣志

鳳凰出版社 ● 上海書店 ● 巴蜀書社



道光再續掖縣志

(清)	(清)	(清)	(清)
王	魏	侯	揚
續	起	登	祖
藩	鵬	岸	憲
纂	修	纂	修

道光再續志二卷、光緒三續志四卷首一卷，據清光緒十九年（一八九三）刻《掖縣全志》本影印。全書間有原版朽壞處，諸館藏本皆同，無法換配。

善行

善貴乎其大亦於其誠士君子興除利弊澤及區
壤不必煦煦以出其有也匹夫一槩之行有動於
中揮奇贏以濟庾困振一方之急又或施藥起疾
延及身後仁厚之風蓋亦不可多得焉掖故多義
行由今溯古搢紳故老猶津津樂道之遂著之以
爲好德者勸

漢

王璋字伯儀曲成人爲少府卿人稱之曰天下賢智

掖縣志

卷之四

善行

五

品一

王伯儀靈帝時士共相標榜有八廚之目璋其一
也璋能以財救人故謂之廚

明

王聰字彥達居鄉好義值歲大侵煮粥食貧民死無
所歸者瘞其骸鄉人感之聰由國子生任上林錄
事子孫相繼登科

鞠能成化六年大饑出粟助賑有司上其事旌之崇

祀忠義祠

郭鑑成化十八年大饑鑑出粟以賑全活者衆事聞

旌表崇祀忠義祠

姜啟哲字鏡漢尚寶卿仲軾子任河南布政司經歷
尚寶公林居時喜施藥既卒啟哲遵遺命延高醫
廣儲方藥其病而無力砭療者咸取給焉

劉上吉字人乙家酷貧一日自外拾一橐歸視之乃
白鏹三十七兩時罄室無炊俄聞門外號泣聲出
詢之則失銀者也如數還之

孫全嘉隆間人貧而樂善濟人之急暮年家稍給除
道成梁解闢訟施棺冢惟是爲務又倡設義學義

掖縣志

卷之四

善行

五

品二

田倚其成就者甚衆壽登百有六齡萬歷中孫延
舉鄉薦仕至副使

劉洪其質於江南之六合因乏嗣以六十五金買妾
翟氏及夕涕泣不已問之故則其夫李玉迫官通
鬻妻以償基遺之去其家懼無以償也造請再四
基曰有夫在義當全之吾已不索此值矣遂謝去
年五十生子潤順治丁酉舉鄉薦任直隸武清令
後科第不絕翰林學祖卽其元孫也

清

遲九齡邑諸生受業姜青蓮間有竹烟齋詩稿
數百章九齡客吳門出修金刊行宛金公堡爲之
敘

于之璧幼孤事祖母及母以孝聞雖艱困常瘠拮以
供兩姊慰母心奉叔盡猶子禮天資誠樸躬作苦
爲家人先能濟人緩急以子中行貴爲封君樂淡
泊一守寒素敦行著聞黨間人咸推爲善士

劉宗堯字天如幼勵儒素業能自刻苦艱於遇性敦
骨肉言規行矩爲鄉閭楷則嚴於課子戊午孫自

掖縣志

卷之四

善行

五

品三

新登賢書曾孫席豫亦膺壬申鄉薦年八十四

恩賜八品頂帶邑侯熊公表其門以大耋終

林騰字萬里邑庠生副使文蔚孫也好學不倦事親

誠信無違禮敦本睦族爲始祖營置祭田歲時糾

族人展祀墓所與妻任同享耄壽乾隆元年恩

賜八品頂帶邑侯熊公以盛世耆英表其門至

八十七歲終

錢烜所字右安少刻志讀書家負素恃硯耕以養爲
諸生後遊都門授學校霞半某邸半官江南攜之

署以烜所諳掌故且識大義也晚節力稍裕父母
歿拮辦喪具分已產與弟且讓其厚者而自甘饒
薄以壽卒於家

姜世隆早失父兄門閥衰替不暇佔畢力穡以給朝
夕兄遺兩雛嬰事母嫂及課侄無不懇至長子彥
爲諸生世隆恂恂一室掃迹外事家非優饒而喜
濟窮困息爭施耨爲人完婚人多感其惠

毛士奇行端而質厚篤於同氣視庶弟如一父官深
州遺產取饒讓沃以幼孫續弟祧膺明經授徒多

掖縣志

卷之四

善行

五

佳士於寒俊不責其贊循循掖導善氣薰被黨間
或有構閹者恐士奇知輒輟爭而退有彥方風致

善行

明

張聖字華字家初貧種瓜於演武廳後一日有軍裝人馳騎過者下就田畔買瓜食訖超乘去聖見其遺革囊一具設視則白金二百餘守至暮軍裝人不復回乃坎田隴深尺餘而瘞之越歲餘忽一人來形容頗類坐田畔指點含涕若不勝情聖問之嘆曰吾本騎兵前年奉差至登臺中帑項若干金誤還於路以是斥退歸妻以償還窮困至此今憶之髮髯在此處故觸目傷心耳聖詳叩其革囊金數悉符乃曰金

續掖縣志卷三

善行

三

品五

故在子母悲也掘土出之革囊宛然其人大驚喜裂分半以酬聖笑却之後家稍給乃於城中開紙米店值歲除既歸家復返見一人破鑰入店將祛篋則故相識者觀聖慚愧倉皇欲遁聖慰之曰子向吾稱貸耶尚有米二斗餘錢千贈君作度歲資可也其人謝而去鄰微聞其事而聖終身不言是歲生子家中竈突舊闕逆及是意產後粥烟忽順乃名子曰順兒即大常寺卿孔教也孔教生刑部尚書忻忻生宏文院大學士端璽累贈皆如其官崇祀鄉賢祠

國朝

呂毓奇處士豐於財康熙四十三年掖亢旱斗米錢數千餓者盈路毓奇出家財糴米煮粥飯之數月不懈粟虧復稱貸以繼全活不勝計郡司馬傅澤澤善之欲旌其閭謝弗受

以上補

王得霖字汝弼庠生夙抱淳德與人無忤家貧授徒暇日歸見老叟攜童泣道旁者叩之則以負債將質子償也即以所齎束脩四緡俾之不告姓名而去嚴冬遇凍者寒戰於門解衣衣之歲暮街中拾一襖開視盡絺衣揣為假質以度歲者榜示於門旋得其人詳問還之業情急將自盡矣後子澤滋舉

續掖縣志卷三

善行

三

品六

孝廉

宿漢倬字天章性退讓而明於義利有冒認其財笑付之家貧客居昌陽丙午歲大疫漢倬素精醫所活數百人有富翁及子婦皆病為治俱瘳了無酬謝後富翁子亦染疫漢倬仍為處方劑意恬如也平生與兄雲倬友愛終身無間言

侯元泰字會一貢生賜履子急人之難每無吝色二婢將及嫁詢已訂婚即聽所親贖之願去以價值付婢謀生鄉里稱之

壽

秦文伯處士利生夙多善行居喪以孝聞文伯能繼之利生

有義兄產業無偏文伯有義兄亦如之堂姪開城悌悌早失
文伯恩養成人為之娶室立業同里尹九成無力供讀文伯
代為招護著數年應友劉宗元喪子家貧文伯憐之及病
又囑其子開運令周濟至老死之日鄉人皆痛悼後買墳石
值山路崎嶇願出力運轉者百餘人同鄉李相服讚一律云
節概文章數十年豐於人事寄於天志存古道多達俗義重
交遊不計錢白首清貧陶靖節仙才埋沒李青蓮尋君此日
誠何在兩岬溪聲咽杜鵑所行諸如此類爰誌之以厚風俗

續掖縣志

卷三

善行

五

品七

善行

張鳳翥字青千監生學親孝父早卒母歿斷酒肉者三年居鄉
好義取太上感應篇朝夕諷誦逢人輒津津道之族人有兄
弟爭墓田者鳳翥排解不聽遂以已田與之由是里黨重其
德義或有爭鬪鳳翥出諭即立解有王彥方之風

孫培元字太初邑庠生居西由鎮兄弟五人培元居次性孝友
家五世同居人七十餘口俱教以耕讀各勤職業一家融融
雖孩童婦女不聞詬詈凌競之聲培元生平存心坦白制行
端方濟貧乏恤孤弱名著鄉里長吏聞其名欲旌其門謝弗

再續掖縣志

卷上

善行

五

品八

受

張德字行脩乾隆間鄉飲賓端方正直樂善好施里中競獨無
歸恒引與同居衣食共之有窘不能葬貧不能婚者每傾囊
代為籌畫居家亦嚴肅教子有方後三子諸孫半入博士弟
子員入以為篤行之報云時縣令張頤其室曰鄉閭矜式

志選
泉

善行

孫麟瑞翟村社人性樸愿力行善事尤好修闢山路
利人往來自城西至上莊等處中隔福祿二山自
東來莊至西原等處中隔優游山麟瑞恒劃平崎
嶇歷十餘寒暑遂成坦途凡有傾圯輒復修補終
身不懈行者便之卒年七十有三

三續掖縣志

卷之二

善行

七

品九

經儒

漢

費直字長翁東萊人治易爲郎至單父令長於卦筮

亡章句徒以彖象繫辭十篇文言解說上下經授

項邪王璜平仲後漢書作王璜音同其本皆古字號古文易

沛人高相治易與費同時其學亦無章句陳元長

卿鄭衆仲師皆傳費氏之學馬融又爲傳以授鄭

康成康成作易注荀爽慈明又作易傳自是費氏

易傳於世按前後漢書皆云東萊費直傳易考前漢東萊

三續掖縣志

卷之二

經儒

七

品十

郡其首邑曰掖至東漢始徙郡治於黃而掖爲屬縣故凡前漢之東萊人皆可入掖也前三志皆闕今據府志補入

國朝

王爾膺字襄哉號止菴一號泡齋諸生治經宗漢學

嘗云鄭夾深謂漢人窮經而經亡此言大非漢儒

有家法七十子之微言大義賴漢以存窮經而經

亡當在魏晉以後蓋荀虞之易亂於王輔嗣馬鄭

之書亡於僞孔氏賈服之春秋淆於杜元凱其幸

存者毛鄭之詩何氏之公羊鄭氏之三禮耳窮經

當以毛何鄭爲主而參以六朝唐宋元明諸儒擇

其善而折衷焉庶乎可矣學者以爲知言尤遠於

史持論精博語見披海詩傳補前續志未載再續

今據先正事略

經學門采入

三續掖縣志

卷之二

經儒

古

品士

文學

好古淵通之士不以窮達爲顯晦掖之擬魏科宏

經濟者非無學也或才兼著述游息風雅與儒生

較短長否則塵碌業猥而不暇以爲耆儒碩彥老

蓬廬而傳絕學則志存攻苦性悅吟披專門名家

之業發爲文章推闡淪輅後起之子藉以獎風流

恢才藝者不可勝數豈徒方領矩步自託墳索之

林哉表而出之誠發幽潛而垂實錄者所宜亟也

三國

掖縣志

卷之四

文學

美

品士

徐岳字公河東萊人著數術記遺算經要用諸書先

是漢靈帝時太山劉洪造乾象歷岳親受其法課

晦朔弦望日月交食窮極幽渺吳中書令闕澤從

岳受之故孫氏用乾象歷

晉

劉夏教授生徒門多顯士侯史光從之受業

五代

張易字簡能元城人高祖萬福唐金吾將軍後徙掖

縣易性豪爽尚氣節少讀書於長白山又徙王屋

嵩山苦學自勵食無鹽醢膏有高士王達靈居海上博學精識少許可易從遊數年入洛舉進士不第昇元二年歸南唐官右諫議大夫改勤政殿學士判御史臺永武德至寶歷論奏骨鯁者七十二事爲七卷曰諫奏集上之

宋

王定民俊民弟工書法能詩與蘇子瞻相友善

金

劉迎字無黨自號無諍居士初以廕試部掾大定十

掖縣志

卷之四

文學

五

五

三年用薦書對策爲當時第一明年登進士第除幽王府記室改太子司經顯宗特親重之二十年從駕涼陁以疾卒章宗錄舊學之勞賜其子國樞進士第迎有詩文樂府號山林長語詔國學刊行

明

邱廷璿字信之幼爲諸生卽銳志聖賢之學宏治乙卯舉於鄉親老不仕長吏禮聘皆不就色養二親時與生徒究名理詮釋傳註類學修行萊人士多

出真門

王獻字仰止號之子由選貢登正德癸酉賢書任常

州府判貢文名晚節仿洛耆英社與毛文簡滕副

使諸人結忘形會三章之約延致之文並出其手

趙璧字完玉生而穎異幼孤知哀毀中嘉靖壬午舉

人性端方步趨不苟家貧事母以志養非仁粟不

以供與妻葛咽蔬糲怡如也下帷受徒名位多顯

常太守周之金固辭終身不仕崇祀鄉賢祠

毛似徐字柏臺一字仲子善草書由明經任濱州學

正時州志殘缺似徐綱羅舊蜀蒼翠成信史後陞

掖縣志

卷之四

文學

五

五

河曲令吏治明敏摘發無遁形引年致政無子詩文稿甚富今所傳惟濱州志而已

錢好學昆季並著文譽登乙科好學獨試膠庠自宋

儒語錄六經註疏及兩漢三唐詩古文詞無不融

貫以歲薦爲安陽司訓甫就甄爲諸弟子員講解

經義再遷乾州學正有河汾蘇湖之風

張夙行字月恒柏之子由舉人歷尉氏襄城鄉寧令

所至有能聲秩滿陞開封府同知致仕歸重刊司

馬公微言與大梁阮漢聞談性命之學著四書近

裏想行於世

徐誨字鳳亭幼穎悟弱冠知名選拔入成均不樂仕進凡邑中贈送詞章金石碑板之文多出其手爲文古宕奧衍自成一家著鳳亭稿四卷胡中丞趙太宰墓柱史爲之鑒定

孫鍾字寧之善繼子生而岐穎讀書寓目不忘卅角入膠庠工吟咏喜山水自漢魏三唐樂府歌行古風排律並茹精灌髓所著有大風社集年未三十而歿

掖縣志

卷之四

文學

五

品五

國朝

宿鳳翀字翼之幼爲諸生究心風雅畢湖目高足弟子宿氏自孟歲樊桐石巢俎豆王李以詩鵲起海岱鳳翀磨礱其家學更欣助之眉山劍南遂集諸昆之大成晚年遊大江南北與方爾止張瑤星友善詩益道上所著松石館集體格高渾迥出輩流張孕美字仲質新詔子順治初由超貢任淮安船政同知未幾辭職游泳山水筆墨間詩文行草書爲世所重有江上吟墨春堂集

林文薦字潛之丰儀秀頤九歲能書畫書行草冠一時以兄弟爲師友爲文深沉刻摯不染靡俗中天

敦丁卯副貢除知文安再補贊皇有能聲仕至太平守勵清節民有止吸姑水之謠解組歸日與二三知舊彈棊賦詩登山臨水如是者十年有墨藏前後二冊度於家

張宗英字彥伯難庵生官都察院照磨遷臨洮通判父文炳書節漢北宗英勵志讀書工詩與王子房李林枝相贈答王西樵目其詩曰標鮮清冷如鳥

掖縣志

卷之四

文學

辛

品六

衣子弟翩翩自佳著金陵詩話有悅安軒詩集

趙士冕字亦霞士喆從弟也以超貢任鎮江守譽流江介早歲豪宕喜交遊去官歸里益好客有置驛投轄之風詩清穆別具逸致在潤州攜伯濬詩校正授梓並倩陳皇士爲立傳俾

伯濬一生節義文章大著人間又詮次本朝諸

家詩名鼓吹集贈炙藝林

張之維字大支性嗜學沉潛經史百家言多所發明詩古澹遒響味陶柳與海內名流千里相贈答同

邑趙文潛檇梓及指樊桐任歷山李朴命諸昆季
推爲主盟嘗於隙地種竹數千竿號竹廬唱酬其
中晚膺歲薦孜孜鉛槧迄老不倦著掖海詩抄文
抄竹廬晤語抄各若干卷新城王西樵阮亭嘗稱
之云樞關著書門庭蕭闕居然有名士風流

任唐臣字歷山與弟虞臣塗山并以詩名而虞臣尤
富腹笥兄居城市弟屏山林故見於世者兄獨藉
甚又工古文詞時稱二難唐臣膺明經科虞臣以
諸生老

掖縣志

卷之四

文學

空

品七

趙琳字石寅先世勲衛也爲諸生有聲工篇詠與滿
巽元劉孟門相友善周櫟園令濰遴齊魯詩人爲
社會而穎川劉公祇適以計偕至見琳作獨畏服
鼎革之際避人南下孟門資以屏屨遂以詩邀遊
吳閶閩越間旣又西入秦川南浮荆襄遊道日廣
篇章盈巾笥然時時爲人取去多不存今所刊峒
齋稿渠邱劉相國爲元晏乃其少作晚年歸里尙
數百首藏於家未梓行

張重弼字梅舟博學強識尤究心太極通書及古今

節義事朱太守薛邑侯劉司農皆爲立傳或侵呂
成公祠地力爭之邑東山嵐增稅當事無長策久
不決重弼條上便宜遂著爲令著勸影齋詩文如
千卷皆有關名教不徒藻繪爲工

姜開字青蓮少知名高潔孤詣書工二王法崇正癸
酉已卯兩中副車受經者至不遠數十百里所居
竹煙齋因以名集門人遲九齡刊之吳門金道隱
堡爲之序曰此高岑的派也

劉復永字孟門故都御史祐之孫生四歲而孤事母

掖縣志

卷之四

文學

空

品六

崔惟謹析箸時多讓產於兄母歿毀幾不起厭城
居羈雜讀書二勞深處經歲不歸善爲詩得昌谷
之神年甫三十以癩卒無子趙石寅南遊攜其稿
於行篋中黎愧曾歎爲三唐的派兄鑫永亦能詩
爲諸生

宿孔暉字良墟順治丁酉舉人書法詩文皆居第一
流旣得雋座主浙西嚴餐沆喜曰吾雅聞吾鄉錢
督學江云山東惟有宿孔暉秀才今閭中搜索得
之不負此行矣其爲名流推許如此任沂州學正

卒從弟茂材孔昭字震燧亦工篇詠爲後輩楷模
錢大受字伯衡汝州刺史祚徵子祚徵盡節中州大
受徒跣赴汝扶輿歸里哀感路人明史局開大受
歷血陳狀史館多採納之晚年學益遠司訓博興
提學宮夢仁以曙觀秋河賦試諸廣文大受賦就
宮擊賞以爲上掩唐人至今談文藝者必以大受
爲首稱云

劉琮字五河性孝篤於學結茆虎頭崖講授登壬子
賢書勁直不同同邑毛萊園蓉城張青樵稱爲畏

掖縣志

卷之四

文學

奎

品九

友司鐸聊攝訓士以經術礪礪實行變浮俗所著
有制科策畧聊城詩諸作

羅鴻圖字文河幼擅才藝工八法詩文雅令與弟鴻
範互以磨接武詞場名震一時受知施提學潤章
康熙初選拔無何卒於省試鴻範字翁河爲諸生
名與兄埒痛兄之逝遂閉戶却掃淡於仕進專志
著述佔籍外一無關涉享壽九十九歲

錢馨字贊伯端方嫻古製一時輶輶多待爲元晏任

昌樂學博課士有法耽書財利常俸外一不樂

歸裝蕭儉傳經無繼士林惜之

戴聖惠復州衛人明末父復魁攜遷上元復魁卒聖
惠年七歲依從兄聖聰學性穎悟博極羣書寓目
不忘聖聰任青登萊副使適金復二衛附萊州聖
惠占掖籍爲諸生由恩貢任新建令子珍亦掖庠
早世女四人皆受讀書史能泚筆爲文辭官寓濟
寧講授生徒雖盛暑冠裾肅然旣卒鄉謚曰文莊
孫圖南字北溟博學多通累試冠軍名噪場屋而屢
遭黜額又工詩善鼓琴襟情曠遠有晉人風致以

掖縣志

卷之四

文學

奎

明經老三子皆早世一孫流泊他土所著倒草亭
集亦不傳

王相鼎字耳黃萬象子生而穎異雖處華胄勤敏不
殊儒素學邃經史兼工詩古文詞早補博士弟子
員兄建鼎宰武陟負帑項不惜破產出之用是家
遂中落授徒自給遊其門者多登甲乙科第年及
正貢以疾終

毛如珍字玉堂善屬文工行楷書前明崇正間入郡
庠浮沉諸生且四十年世未以通人許之年六旬

殆食餽試輒拔前幟行文幽韻清音刻峭多致年
九十一膺歲貢專獎借後進一字之長稱道不容
口族中子姓應道府試必延致其家治具款曲醵
然見於言面至九十四歲卒

宿旦字復公父鳳翀以詩豪於萊年六旬始舉旦髫
年山語卽驚四座稍長讀書精詣嗜古成癖事母
夫人能承意旨康熙庚午中偶丁丑巳人穀復遺
晚除寧海學正擢登州教授老病辭官一生豪於
飲口嘗每酒後耳熱談說經義吃吃面發赤言皆
振縣志 卷之四 文學 奎 品三

典核又雅善人倫鑒於諸後進能文章者決其售
不莖毫髮

毛霽字荆石五歲誦經史十三以童子試受知陸令
家故寒素父偉見背竭誠治喪事讓產於兄而講
授奉母會贈證不偶益肆力墳籍學識貫綜既壯
始補博士弟子員母喪柴瘠鬚髮遽衰改晚棄諸
生却掃簞萊風爲定本著平叛記銓裁可徵信年
七十六無疾卒子貢登雋後鐫其書傳於世

孫璋字君寶父故掾也璋拔起儕伍中爲諸生有聲

屢試前茅體貌端嚴言行矩矱庚午舉於鄉益自
刻勵除歷城教諭師範老成藩臬諸公多器重之
年七十餘卒於宦邸

王道炷字藻菴又字煉東故大司馬子房之從孫美
丰姿有雋才弱冠馳文譽嘗受知任文宗塾例食
餽不就庚午獲雋辛未丁丑兩計偕倖得復失客
粵西佐濰川劉滄嵐幕歸學益邃旋卒所著藁乘
集大類柳河東

王熿字爾亮東阿司訓舉鄉飲大賔學貫綜諸家工
駢偶爲後起津筏尤邃于史著有綱鑑四六列國
譜明史紀事
振縣志 卷之四 文學 奎 品三

任儼字六息少負文名工篆及印刻頗自愛不輕以
許人長於散體有祖黃門公風年八十除嘉祥訓
導飭覺官嚴考課鐫吾道心傳頒示諸生方次第
施行以大耋卒官嘉邑人士至今思之

郭志淳字去華性聰慧殫心理學教授生徒戶外屢
爲之滿其貧不自給者反助以膏火然疾惡如仇
卒亦與世不相入後以明經終

林佩字赤崖性至孝弱冠父母偕亡楓獨持門戶撫諸弟備極友愛刻苦下帷遊膠庠屢試屈其濟軍言規行矩足不履公庭授徒自給一鴈一咏寡如也年七十六充正貢以疾終

林深字子遠性至孝結髮受書淬志情懇不以敏慧自怙恃研推實際文名噪一時其與人渾厚衷恬胥無城府鄉里咸目爲長者後以恩貢司訓長清本躬行爲膺廼文教以興居兩載浩然賦歸來卒年八十六

掖縣志

卷之四

文學

宅

品

楊長治字東觀性穎異屬文如宿構剛方不與人伍常曰士必先行檢而後文藝苟不端厥行文何貴焉所著述多焚其草士經指授矯矯有方幅見者知爲楊君弟子也晚節益務實學家雖屢困風操愈嚴年八十八而卒

林帽字小眉林楷子生而穎異弱冠食廩儉書法臨邑詩摹輞川古文詞得廬陵三昧間作畫出入北苑河陽二家之間一時英雋多出其門稱爲西樓先生晚年微赴選以疾辭健戶著書牀第間猶手

不輟卷若能讀齋集皮於家

張濬字霖公有俊才初應童子試卽爲撫軍所知賞補邑弟子員博聞強記貫綜經史擅詞賦組繪之長儀度雍容郡縣長吏爭折節下之晚年客遊東吳集名流於虎邱精舍濬詩先成諸詞客爲闌筆駢體尤傾動一時甫膺明經遽以疾卒

王世芳字蘭洲幼敏悟過人復能自砥礪於古多所研尋該聞博記文名藉甚於時撫憲蔣公有山左才人之口累試輒不售以歲貢選夏津司訓未任

掖縣志

卷之四

文學

交

品

卒

呂能濱字渭侯溫恭醇謹與世無忤性尤嗜學於經書典制事物原委無不周知詳識舉邑奉爲典型歲薦後年幾八十向手不釋卷至處友朋戚誼間亦復古道照人

宿省字吾三聰穎絕人甫五歲誦書日千言九歲能文工臨池十二爲諸生落拓不羈又善騎射年纔愈冠戊子試秋闈卽決科果以亞魁中選其酒酣高論對客揮毫一染筆文人學士靡不矜式之惜

紬於遇終厄南宮所志未就而卒

張克晟字光岳孝友性成理學深造庶子登賢書惟
事視耕其誘掖生徒 歸爲實爲文斥選浮華不
趨時艷歷三十餘年家計愈艱而講求如故迨選
寧海學正以喪明不果往人每歎其優於學行而
紬於遭逢云

李中提字月三高邁有奇氣早歲補諸生坎壈不偶
居曠覽樓十年不下遂博極羣籍北平黃崑圖視
學肯拔之又爲撫軍鐵嶺李公所知賞古歷亭有

掖縣志

卷之四

文學

文

品

題額口水明木瑟撫軍徧質坐客無知者中提曰
出勳善長水經注撫軍檢視大悅屬以酒果薦不
合丁酉甲辰已入穀而復蹶晚有日疾延伯士教
二子朋遊間有課文歸者時其過遮留進酒脯以
爲常家計日乏一不問有信手抄漫遊草諸作

劉之達字溟如博學多通沉酣於古才名震海右遇
一水一山輒詠歌抒其雅抱耆年貢成均學使者
欲以充選謝不就退老山莊又工書兼推驗祥占
與孔學博毓喬證異考同不以術自顯有伴竹齋

集卒年八十五

李書字宜申性聰敏文章俊逸書摩鍾王法兼豪於
飲有曾祖琳枝侍御公風以甲午副車除武城訓
導實心課士士風爲之一振後以病卒於學署不
能歸葬一孫亦流落無蹤

劉邦彥字席珍家貧奮志典籍通韻學吐屬清麗與
同邑林冠玉處士劉學祖太史福山王檢太史相
唱和爲騷壇冠冕兼工草書性孤癖每與時鉅錚
以明經薦成均未仕卒

掖縣志

卷之四

文學

文

姜日昇字賓旭廩生姜智子童幼知孝弟善綴文下
筆萬言推排一世弱冠授徒講書白雲山性端慤
不苟言笑及門多佳士由優選登賢書益勵實學
愼名節如捧盈不攖情得失一時以爲叔度復出
年四十三遽捐館舍士林痛惜之

綦銓字升三侍御才之文孫也生而岐嶷美丰姿讀
書十行俱下又至性過人色養二親友愛昆季弱
冠入邑庠食廩餼肄業大澤山不窺園者數年由
是博極羣書行文苦心孤詣力追正始詩學出入